

معلومة

الأعياد السيّدية الكبرى

كنيستنا فيها 7 أعياد سيّدية كبرى ... معظمهم احنا عارفينهم
إيه السر في الأعياد دي؟ و إيه ترتيبها؟



كل سنة و انتم طيبين .. شهر يناير مليون أعياد كثيرة .. عيد الميلاد و عيد الغطاس أشهر 2 لأننا بنصليّ القديس بالليل فدايماً بنفكرهم .. و العيدين دول و غيرهم من الأعياد اسمهم أعياد سيّدية (لأنها خاصة بالسيد المسيح) .. تعالوا نشوف إيه الأعياد اللي الكنيسة سقّيتهم بالاسم ده.

الكنيسة رتبت 7 أعياد سيّدية كبيرة و 7 صغيرة. خلونا نبدأ بالكبيرة الأول لأنها أسهل و معروفة أكثر .. و هنمشي بترتيب حدوث الأعياد:

1. عيد البشارة (بشارة الملاك جبرائيل للعدرا بميلاد السيد المسيح) ... و ده بيبقى في أبريل قبل 9 شهور من عيد الميلاد (لأن الحبل بدأ من ساعة البشارة من ساعة ما العذرا قالت: "هوذا أنا أمة الرب، ليكن لي كقولك")

2. عيد الميلاد (عارفينه طبعاً، يوم 29 كيهك بعد صوم الميلاد)

3. عيد الغطاس (أو عيد الظهور الإلهي لما السيد المسيح اتعمّد من يوحنا، و ظهر الروح القدس عليه مثل حمامة و الآب قال من السماء: هذا هو ابني الحبيب الذي به سررت .. فبكره ظهر ال 3 أقانيم) .. و عيد الغطاس بيبقى فيه لقّان قبل رفع بخور باكر

4. حد السعف (أو حد الشعانين .. اليوم اللي فيه دخل السيد المسيح أورشليم كملك و استقبله الأطفال بالتسبيح و السعف في أيدهم) .. و حد الشعانين مميز بالدورة اللي فيها السعف و لحن إفلوجيمينوس و الألحان بالطريقة الفرايحي

5. عيد القيامة .. طبعاً أبهج عيد بعد الصوم الكبير و أسبوع الآلام تيجي فرحة القيامة لقّا ربنا داس الموت و غلبه إلى الأبد .. و عشان ده أهم عيد و ده أساس المسيحية، بتيجي فترة الخماسين اللي بنفضل نحتفل فيها بالقيامة .. و كل يوم حد في السنة نحتفل بالقيامة

6. عيد الصعود .. بعد 40 يوم من القيامة ظهر فيها ربنا كذا مرة لتلاميذه أكمل عمله الفدائي و أسس الكنيسة .. صعد للسما بالجسد عشان يبعث لنا المعزّي الروح القدس

7. عيد حلول الروح القدس .. بعد 10 أيام من الصعود حلّ الروح القدس على التلاميذ و هم متجمعين في علّية مار مرقس مثل السنة نار .. و بدأوا يبشروا بالسيد .. و بدأت كنيسة العهد الجديد